

Յուլիսի վերջերին Ձանգեզուր մտաւ Անդրանիկը և հրամանատարի պահանջը այդպիսով որոշ ժամանակի համար լուծւեց*):

Օգոստոսի սկզբներին, Կարսի ու Շարուր—Նախիջևանի հետ միաժամանակ, թուրքերն ընդհանուր յարձակման անցան և Ձանգեզուրի վրա, բայց նորից հանգիստեցին յամառ դիմադրութեան: Ձանգեզուրցիների խնդրանքով ինքնապաշտպանութեան գլուխն անցաւ Անդրանիկը, որ ընդհանուր զօրահաւաք յայտարարեց և յետ չարտեց թրքական բոլոր գրոհները՝ գրաւելով և ամրանալով Չարուղի բերանում:

Նոյեմբերին թուրքերը նորից դիմեցին դործողութիւնների Ձանգեզուրի դէմ: Կռիւները տևեցին մինչև դեկտեմբեր: Անդրանիկը, որ ստացել էր զարարացիների օգնութեան կոչը, ջարդեց թշնամուն և շարժեց դէպի Շուշի, բայց, ինչպէս տեսանք արդէն, կէս ճանապարհին անգլիացիների կողմից կանգնեցւեց ու վերադարձւեց Ձանգեզուր: Ճանապարհները բացւելուն պէս Անդրանիկը, անգլիական սպայ Գիրբնի ուղեկցութեամբ անցաւ Էջմիածին, ուր մի առ ժամանակ մնալուց յետոյ, դէնքերն ու ռազմաւթերը կաթուղիկոսին յանձնելով՝ անցաւ Թիֆլիս և այնտեղից, մայիս 6-ին, արտասահման**):

*) Բաքուի դաշնագրից յետոյ, Անդրանիկը՝ ունենալով իր հետ մօտ 3000 հետևակ, 700 ձիաւոր, 150 քնդամօքածիգներ, 80 գնդացիքաւորներ, 1 դաշտային և 3 լեռնային քնդամօք, 40 ուղտ, 15 սալ և մի քանի տասնեակ հագար գաղթականներ՝ Նոր-Բայազետի, Դարալագինի ու Ջուլֆայի վրայով անցել էր Խոյ՝ անգլիական բանակի հետ միանալու յուսով: Յունիս 21-ին, Սէյդավար գիւղի մօտ քիւրքերի հետ կռիւ բռնելով ու մօտ 150 հոգի սպանւած ու գերի տալով՝ նահանգել էր Ջուլֆա, այստեղ Նախիջևան, ուր փորձել էր, կազմակերպել հայկական ինքնապաշտպանութիւնը: Այստեղից էլ, սովից, հիւանդութիւններից ու քիւրքերից նեղւած՝ Օյսի չայի հովտով, անցել էր Ղափան:

**) Արժէ այստեղ արձանագրել մի փաստ, որ մինչև այժմ գրի չի առնւած և որը, սակայն, գուրի չէ պատմական արժէքից: Այսինքն Անդրանիկը մտաւ Երևանի դաւաճը: Հայաստանի կառավարութիւնը նրան ընդառաջ ուղարկեց ներքին դործող նախարարի օգնական Ս. Մանասեանին և Երևանի զօրամասի պետ Դրօն՝ բարի դալուստ մղովելու և Երևան հրաւիրելու համար: Անդրանիկը ջղայնացած և լուտանքներ թափելով կառավարութեան գլխին՝ մերժեց մտնել «տաճիկների ձեռքով ստեղծւած Հայաստանի» մայրաքաղաքը և, ինչպէս գրւած է իր հրատարակած «Կովկասեան ճակատի Պատմական Օրագրութեան» մէջ (էջ 137), «առանց Երևան մտնելու և դաւանանքներ երեսները տեսնելու», անցաւ Էջմիածին:

Այս. 19ը Ձատիկ նախօրեակ էր, և Երևանի շուկան լիքն էր դիւղացիներով, քաղաքի բնակիչներով, զինուորներով: Մէկ էլ, կշեռքի տակ, ինչ որ վէճ ու կռիւ է սկսւում Անդրանիկի կամաւորների և Երևանցի զինուորների միջև: Անդրանիկի զինուորներից մէկը վերաւորւում է, մէկ ուրիշը շտապում է Էջմիածին՝ հաղորդելու «փաշային», թէ՛ Երևանի կառավարութիւնը հրաման է տւել կոտորելու կամաւորներին, որոնցից մի քանիսն արդէն սպանւած են Երևանի շուկայում:

Անդրանիկը կրակ է կարում: Հրամայում է անմիջապէս հաւաքել բոլոր զինուորներին, դառաւորում է նրանց և հետևակով, ձիաւորով, թնդանօթով ու զնդացիքով արշաւում Երևանի վրա: Կէսօրին Երևանի բլուրներին, այգիների յետևը, երևում են Անդրանիկի առաջապահները: Շուտով հասնում է և ինքը: Բլրի զլխին տնկում է դաշնակիցների դրօշակները, թնդանօթների բերանները ուղղում մայրաքաղաքի վրա, դիրքեր բռնում և պատրաստաւորների միջոցով կառավարութիւնից բաւարարութիւն ու յանձնարձաններ պատրժ է պահանջում, հակառակ պարագային սպառնալով ուժակոծել քաղաքը...

Կարելի է երևակայել, թէ ինչ դարձում էր յարձակումը առաջ եկաւ կառավարական ու